

րերն սկսում են հարսնացուին փող ընծայել, և այդ գործողութիւնը կոչւում է «երես տեսանք»:

Շիրակում հարսնախօսութիւնից մի քանի շաբաթ յետոյ թէ քաղաքում և թէ գիւղերում սովորութիւն կայ «հարսնատես» անելու: Այս դէպքում հարսնացուին, բացի նշանագրութեան փողից ու մատանուց, փեսայի ազգականները շաբթով ոսկի, արծաթեղէն ու այլ և այլ իրեր ընծայ են տանում¹⁾:

Այլ տեղերում նոյն սովորութիւնը կատարւում է աւելի ընտրող գոյնով: Վրաստանի շատ կողմերում հայերը սովորութիւն ունին հարսը եկեղեցուց տուն բերելուն պէս ներս տանել սենեակը, խաչեղբայրը բարձրացնում է նրա երեսի քողը և հրաւիրում է ամենքին գալ տեսնել հարսի երեսը, այսինքն ասլ ընծաներ, ուստի այդ սովորութիւնն էլ կոչւում է երեսատես կամ *կրես տեսուկ*²⁾:

Շատ հայաբնակ գաւառներում սովորութիւն կայ, որ հարսը, եկեղեցուց՝ պսակադրութիւնից դառնալով, չի մրսում փեսայի տունը և չի նստում, մինչև որ սկեսուրը կամ փեսայի ազգականները չմօտենան և մի մի արծաթէ կամ ոսկէ դրամ տալով, ներս չհրաւիրեն:

Ակնայ մէջ նշանագրութեան ժամանակ, երբ երկար սակարկութիւններից յետոյ ազջկայ ծնողները տալիս են վերջնական համաձայնութիւնն իրենց գասեր ամուսնութեան համար, փեսացուն, սորա ծնողներն ու ազգականներն ընծայում են արծաթէ կամ ոսկէ դրամներ հարսնացուին, որ հերթով մօտենում է ամենքին և ձեռքերը համբուրում³⁾:

Այնուհետև աւելորդ չի լինիլ այստեղ յիշատակել մի այլ տեսակ ընծայաբերութիւն, որ անում է փեսան հարսնացուին, երբ սոքա առաջին գիշերն առանձնանում են

1) Էմինեան Ազգագրական ժողովածու, հատ. Ա. եր. 240.

2) Վահան վրդ. Բաստամեան՝ Դատաստանագիրք Մխ. Գօշի տես. Մանօթութիւն Երես 290.

3) Բիւրակն—Կ. Պօլիս 1900 թ. № 23